

Na osnovu člana 9. Odluke o utvrđivanju organizacije i rada mrtvozorničke službe kojom se osigurava pregled, utvrđivanje vremena i uzroka smrti osoba umrlih izvan zdravstvene ustanove na području Tuzlanskog kantona broj:13/1-37-30751/14 od 24.12.2014.godine, Ministar zdravstva *d o n o s i*

O D L U K U
o iznosu sredstava za rad i organizaciju pregleda osoba umrlih
izvan zdravstvene ustanove i načinu isplate

I

Ovom odlukom utvrđuje se visina sredstava za rad i organizaciju pregleda osoba umrlih izvan zdravstvene ustanove na području TK i načinu isplate sredstava.

II

Finansijska sredstva za pokriće troškova rada i organizaciju pregleda osoba umrlih izvan zdravstvene ustanove na području TK (u daljem tekstu: **mrtvozorstva**) obezbjeđuju se u Budžetu Tuzlanskog kantona.

III

Ukupni troškovi mrtvozorstva, po jednom pregledu umrlog izvan zdravstvene ustanove, iznose 60,00 (šezdeset KM) konvertibilnih maraka, i sastoje se od 30 KM na ime neto naknade mrtvozorniku i 30 KM na ime pokriva ostalih troškova (putnih troškova, troškova obrazaca, zakonskih obaveza na isplatu neto naknade mrtvozornicima i drugih obaveza) nastalih u vezi sa mrtvozorstvom.

IV

Isplate na ime troškova mrtvozorstva iz tačke III ove Odluke vrši JZU Dom zdravlja na području općine sredstvima iz tačke II, koja će im biti doznačena putem mjesečnih tranši sa pozicije „Tekući transferi neprofitnim organizacijama“.

V

Visina mjesečne tranše iz tačke IV ove odluke, za svaki JZU Dom zdravlja utvrdit će se posebnim rješenjem kantonalnog ministra zdravstva na osnovu dostavljenih izvještaja o izvršenim pregledima mrtvozornika i fakture doma zdravlja.

Rješenje iz stava 1. ove tačke, Ministar zdravstva je dužan donijeti najkasnije do 15. u mjesecu za predhodni mjesec.

VI

Ova Odluka stupa na snagu danom donošenja, a primjenjuje se od 01.01.2015.godine.

MINISTAR

Alen Kamberić

Broj: 13/1-37-30751-1/14
Tuzla, 26.12.2014.godine